



Կեանքս դարձրել եմ
Կարկաչ մի երգի,
Ու Ել չզիտեմ
Ուր պիտի յանդի...



891.99

Հ-85

ԹԵՇՄԱՆ

Տպարան «ՄՈՒԵՐՆ»

1934

891. 99
2-85

1938
Արմավանդ Մատուցութեան
1 W

ՍՈՒՐԲ ՆԵՐՍԵՍ ՇՆՈՐՀԱԼԻ
Գ Ր Ա Դ Ա Ր Ա Ն
ST. NERSES SHNORHALI
L I B R A R Y
ARMENIAN PRELACY
Ձ Յ Ն

891.5
14 FEB 2011

Ձ Ե Պ Ւ

Ինչպէս խենք, ինչպէս զինո՞վ,
Կեանի ձեր խնջոյքին, ես
Եկել եմ, բերել սիրով,
Ի՞նչ ունեմ նիւրեմ ձեզ.

Ի՞նչ ունեմ սիրո՞վ, արտա՞նց,
Բոլորը, բոլորը տա՞մ,
Չպահեմ քող ո՞չ մի կայծ,
Իմ արտում այս օր ձեր տան.

Ուզում եմ որ դո՛ւ խնդաք,
Դո՛ւ ելնէք ԳԱԼԻՔԻՆ դէմ,
Ուզէս ողջ, միակ եռակ,
Արճաբամ իմ այս երկրէն.

Ինչպէս խենք, ինչպէս զինո՞վ,
Կեանի ձեր խնջոյքին, ես
Եկել եմ, բերել սիրով,
Ի՞նչ ունեմ նիւրեմ ձեզ.

— 3 —

Ա Զ Ի Ն Զ Ը

Կորցրել է մէկ ինչ որ բան,
 Ման է գալիս որ գանի
 Ձեռքին՝ ճշագ մողական,
 Սրտում՝ ցաւը կորսւստի...

Բայց այդ ինչ է—արդեօք ինչ,
 Հարցնում, անցնում են բոլոր.
 Պատասխանում է—ՈՉԻՆՉ...
 Աւ որոնում նորից նոր:



612 - 2011

ԱՅՍ ԵՍ ԵՄ

Այս ես եմ, ես եմ. նոյն ինքն իմ մէջ
Տիեզերքն ամբողջ, ժամանակն անվերջ,

Որ կը ծաւալի ու կը ծանրանայ,
Մշտնչենական պարապին վրայ...

Որ կը դառնայ ԶԵԻ, ԶԱՆԳԻԱԾ ու ՇԱՐԺՈՒՄ,
Ինքն իրմով պարապ՝ ինքն իրմով լեցուն, —

Կազմելով կեանքն այս—միրաժն ՈՉՆԶԻ
Ուր իր մահովս ար, կը վերածնւի...

Այս ես եմ, ես եմ. ուրիշ ոչինչ կայ,
Իմ ՄՇՏԱՀՈԼՈՎ էութիւնն է սա:

ԱՅՆ ԶԵՌՈՒ ԶԵՌԱԽՈՐԻՆ

Ի՞նչ անուն տամ քեզ աշխարհումը այս,
Որ ամէն մի սիրս զգայ ու ապրի
Այնպէս, ինչպէս որ ԵՂԵԼ ես ու ԿԱՌ
Սահմաններէն դուրս մարդու ԵՐԱԶԻ:

— Ո՞չ աղջիկ ես դու, ոչ փառքի ճամբայ,
Ոչ էլ աշխարհիկ մի վեհ զգացում,
Բայց շունչդ արդէն շարժում է ահա
ՀԱՍԿԵՐՆ ԻՄ ՀՈԳՈՒ ՀՈՍԱՆՔՈՎ ՀԱՍՈՒՆ...

ԼՈՒՍԵՐԵՆ ՃԱՄԲՈՒՄ

Ես թափառական
Անցորդ մի, ահա,
Դու, յաւիտեհական
Լուսեղէն ճամբայ,

Եկել եմ զինով
Ու կանգնել քո դէմ,
Ասա, որ կողմով
Եւ ինջոյշ անցնեմ...

Ի ՆՔՆ ԱՄՓՈՓՈՒՄ

Արեի պէս, արեի մօտ
Կանգնել եմ ես ու երգում,
Նոր է բացւում գեռ ԱՌԱԽՈՏ
Իմ դէմն անծիր կապոյտում:

Դուք ՔՆԱԾ Եք տակաւին ձեր
Ծմակներում հեռակայ
Եւ սուերս արևաբեր,
Հիմա կընկնի ձեզ վրայ:

Պահ մը յետոյ զարթնեք պիտի,
Կանչէք դարձիր յետ դարձիր...
Սակայն իմ դէմ կը ծաւալի
Կապոյտը նոր ու անծիր:

Ա Ր Ա Խ Օ Տ

Խաւարիս մէջ, լուսածածան
Բայւած պայծառ իմ տուաւօտ.

Զարթնող մի նոր կեանքի նշան,
Շաղու շուշան իմ տուաւօտ:

Իմ տուաւօտ, իմ ծով անծիր,
Իմ ծփծփուն կապնյա յածում.

Երէկը դեռ դու չկայիր,
Գլխիս վերև չէիր ճախում:

Երէկը դեռ, անհրատպոյր,
Մնաթ, մածուցիկ մի երեկոյ՝
Մորմոք էր լոկ կարօսո կոյր,
Ու դուք յնորք՝ տեսիլը քո:

Ահա սակայն, որպէս խնդուն
Մի խլրանում մթնոլորտի,
Չե՞հ ես արդէն, ՄԱՐՄԻՆ ու ԳՈՅՑՆ,
Իմ տուաւօտ բարի լոյսի:

Ահա վուել՝ արկաքանդ,
Տարածւում ես կեանքիս վրայ,
Կրծքիդ խրած մի ագամնդ,
Մի ոսկի սոր—հրավառ ջահ.

Ու վար՝ մամուած ճահիճներում,
Ծմակներում խուլ ու խոնաւ,
Արդէն ընկել են շողզողուն,
Քո տուաջին ցոլքերը վառ:

Արդէն ամէն խութ ու խոռոչ,
Ամէն կածան ու արահետ,
Արձակել նոր ծիլ ու բողբոջ,
Զուգորդում են մէկ մէկի հետ:

Եւ գոյնդգոյն երանգներով,
Երակներով ծիսծանւած,
Զարթնի ովտի շուտով, շուտով,
Ու բռնկւի աշխարհը ցած...

ԱՌԱՋԻՆ ՇՈՒՆՉ

Օրերն ինձ այս տեղ են բերել
Բարձր այս լեռան գլխին,
Ուր ոսկի մի շնդ է կաթել
Ու խառնել կապոյալ իմ:

Ու կանգնած ահա լուսավաս,
Կալսում եմ շիկնած օդում,
Որքան որ նոր գոյներ կան վաս,
Ու գւարթ երգեր հիւսում:

Փշտել է աչքերումն իմ
Տրտմաշուք մի չին ԴՊԵԱԿ.
Դղեակի խորհուրդը հին,
Մի «ասպետ» ու մի դայեակ:

Բացւել է լայն դէմս ահա
Գոյութեան այլ մի աշխարհ,
ԺԱՄԱՆԱԿԻ սրտի վրայ,
Որպէս նոր ՃԵՂՔ արեառ:

Ոսկեքանդակ ու լուսազարդ՝
Ողկոյզի պէս այդ ճեղքում,
Կախարդւել են դիւդ ու քաղաք
Յակնթափայլ ու ժպտուն.—

Կեանքը վառման մի շնւնչ վարար,
Բաղցը ու հասուն մի նոր սէր,
Հոսում է յորդ ու յուսավաս
Ու ոռոգում ամէն տեղ:

Բարձր, լեռան այս կապոյտում,
Ասպանդակած հոգիս ու ես,
Կանգնել ահա լոյս ենք ԿԱԼՍՈՒԻՄ
Ու եՐԱՆՈՒԻՄ—լիացնում ճեզ:

ԵԼՔԸ

Զկայ ոչինչ օտար
Աշխարհում այս հին,
Ուր էլ լինես, պայծառ,
Ժողոա ամէնքին.—

Ուղիներում անծիր,
Սրտաբաց, հրկէզ,
Հանդիպողին գրկիր
Հարազատի ոլէու

Եւ ուր մի հնոր շողայ,
Մօտիկ թէ հեռուն,
Կարծիր քո լոյսն է դա,
Դու ես վառել կեանքում:

Պալատներում՝ թէ մի
Խրճիթում աժան,
Մէկ է, ժպտա, անցի,
Անջո՛րի բարեկամ...

ԴՐՍԵՒՈՐԻՈՒՄԸ

Արցունքներուս մէջն ես զուն,
Իմ անանուն արտմութիւն,

Յանկարծ կերկայ,
Կը նայէ ինձի
Վայրկեան մը, ապա
Նորէն կանհետի.

Կանհետի, սակայն
Հոգուս մէջ արդէն,
Աննշմար, անձայն,
Ինչ որ կը քանդեն...

—Եւ աշուն մինչպէս,
Վարսաթափ ու թաց,
Լեցուն՝ աչքերէս
Նև կը հոսի ցած:

ԻՄ ՍԵՐ

Դու մի լաւ երդ ես.
Դեռ քեզ չեմ երգել.
Ու չերգած ես քեզ,
Չեմ կարող մեկնել:

Ծանօթ է արդէն
Զայնդ իմ հոգուն,
Ես քեզ լսել եմ,
Դեռ օրօրոցում:

Դեռ երբ՝ ինձ համար,
Աշխարհը համայն,
Օրօրուն ու վառ,
Գիրկ էր մայրական:

Լսել եմ ես քեզ
Ու քեզմնվ սնւել.
Մօրս կաթին պէս,
Լուսակաթ իմ սէր...

ՀԱՍՈՒՆՈՒԹԵԱՆ ՄԵՂԵԴԻՆ

Հասակ նետեց օրէ օր,
Նշնու պէս մեր դրան,
Ծիծղուն ու ծով աչքերով,
Մի աղջնակ հարևան:

Ու այս գարնան առաջին
Աւշովը՝ շող ու շաղի,
Կախեց արբունքն իր լանջին
Երկու կոկոն խաշխաշի:

Հիմա...կըքոտ ու կիզուն,
Հասունութեան մեղեդին,
Գիրկ ու գգւանք է յուզում,
Թաթխած կատացն իր շուրթին:

ԱՌ, ԱՂՋԻԿ ԶԱՆ, ԱՌ

Աշնան մեղրածոր արեի նման,
Որ քաղցր է այնքան ու այնքան շոյուն,
Ծփում է սիրով սիրոս նայիրեան
Այս արևելեան քաղաքի փոշում:

Ու մեզմ, օրօրուն զգացնում մի նոր,
Մի դոկ, մի սարսուռ երբեմնի ծանօթ,
Յառնում է, վառում մէջս նորից նոր
Անթեղւած մի կայծ, մղղած մի կարօտ...

—Օ՛, բեղուն ու յորդ իմ սէր, իմ աշուն,
ՀԱՅՈՒՅՈՒՄԴ միակ եւ սուրբ և արդար
Եւ իմաստ բոլոր ժամանակներուն,
Օ՛, ՀԱՅՈՒՆՈՒԹԻՒՆ—ԼԻՆԵԼՈՒԹԵԱՆ մայր...

ԱՌ, աղջիկ ջան, առ սրտի այս պատառ
Ու համեղ, անսուշ մըդին պէս մեղքի,
Թող շուրթերդ նուռ ու նայւածքդ վառ
Իմ մէջ հասունցած նոր սէրս ճեղքի:

ԶԱՐԱՆՑԱՆՔ

Երբ մարի, մարի աչքերում մեր այս,
Ճաճանչն արեին ու լոյսը, Զիւլֆատ,
Երբ միսը՝ վերջին մեր մարմնի երադ,
Էլ ոչ մի զրգիռ, կրակ չունենայ,

Երբ նեաւած արդէն մի մութ խռոռչում,
Քիշքիչ կը նեխի զիակները մեր,
Ու այդ լուիթ Զեհի շաբժման ընթացքում,
Դառնանք ես ու դուն ճիճուներուն կեր...

Ու երբ էլ ոչինչ, ոչինչ չմնայ,
Ու ԳԱԼԻՐԲԸ գայ իր ՀՈՂԸ ՀԵՐԿԻ,—
—Այդ հոգի վրայ արորւած Զիւլֆատ,
Դառնալով այլհա բոցակէդ փոշի,—

—Բայց դեռ ԶԳԱՅՈՒՆԵ, դեռ ԻՄՍՅՈՒՆԵ,
Աւելի նրբին գուցէ քան առաջ
Մեր հոգու հոգով, վերստին անդամ,
Կը լսենք կեանքի աղմուկն ու շառաչ...



ԾՐՀ - ՀՕԴԻ

Որպէս ԳՈՅՆ ու ԲՈՅՐ ու ԹՐԹՌԱՅՑՈՒՄ,
Մի շաղի, շողի լուսամցքով պայծառ,—
—Ուր ամէն-հիւլէ, մասնիկ մեր փոշուն,
Հանդիպած կրկին կը կցւեն իրար,
—Աշխարհը կզդանք որպէս քաղցր գող,
Որպէս մի սարսուռ ու հոսանք, հոսանք,
Վայրկեաններու հետ դարեր հոլովող,
Յաւիտենութեան անուշ՝ դասանցանք:

Ս Ր Տ Ւ Լ Ե Տ Տ

Այիս, այս պայծառ արկի տակ, այս աշխարհն ուժ հնամենի,
Ուր բիւր մարդիկ անմիտաբ երազել են, չկան հիմի,
Սիրտ իմ, գու էր սիրտ իմ, գու էլ մի անողոք ակնթարթում,
Պոկւես պիտի ինչպէս մի քար ու փշուես մի խռոչում,
—Ընկնես պիտի սիրտ իմ, գու էր լուծւես պիտի փոշիներում,
Որ սրտեր են կեանքից բեկւել, նոր Զեհ առել ու նոր ՇԱՐԺՈՒՄ:
Խառնւես պիտի լուռ գոյութեան այս ԲՈՒԹ ԶԵՒՄ ու ՇԱՐԺՈՒՄԻՆ
Ու նորին ԲԱՆՆ ՍԿԶԲՆԱԿԱՆ աճի ԱՃՈՒՄՆ անքննելին:
Ու տարիներ, դարեր անցնեն, ու լինի նոյն արկ, աշխարհ
Ու լինի նոյն կարօտը վեր—կեանքը մաշող ու խելագար:
Եւ սկզ գիտէ որի՞ կրծքում, սիրտ իմ, մի օր ծփառ էլի,
Այս, սկզ գիտէ որի՞ սիրտն ես, որ իմ կրծքէն ընկնես պիտի:

Բայց կուզէի գէթ, անխուսափ ձեավոխմանդ վերջին պահուն,
Սիրտ, թէկ զուր, բայց ճշայիր, սուր ճշայիր այս աշխարհում...
Ու ճիշըքո, արմաղի պէս ԿՏԾԵՐԻ ԿԵԱՆՔԻ ՏԱՐԱԾՈՒԹԻՒՆ
Ու այդ բարակ ճեղքւածքէն ներս կաթէր մի շող այս աշխարհում:

Կաթէր, շողանը մի գիծ, մի թել օրերու հետ մշտահոլով,
Դարերէ դար, բազմահազար, ու բազմադոյն օղակներով.
Որպէս կեանքի մի ԱՆՀԵԹԵԹ երջանկութեան անմահ երազ,
Սիրտ իմ, մի թել, սիրտ իմ, մի ՇՈՂ քեղնից միսր աշխարհում այս...

Ինչ որ տեսար ու ասլրեցիր սիրտ իմ դուն,
Համարիր թէ այդ էր ամէնն աշխարհում,
Համարիր թէ ուրիշ ոչինչ էլ չկայ
Եւ ինչ լինի, նոյն կը լինի ինչպէս կայ:

* * *

Այս աշխարհում թէ չհասար ոչ մի տեղ,
Բայց լսեցիր սիրտ իմ, կեանքում մի երջանիկ
առասպել.
— Ճեռանալիս ուրախ նայիր աշխարհին,
Թէ գալը կայ, մենք էլ կը գանք մեր հերթին...

ԵՐԵՔ ԿԷՏ

Խաղում էինք, հոլո կորաւ,
Ու լաց եղայ գամհաղին,
Հետո էլ նատեց ու լաց եղաւ,
Հին, մահկութեան ընկերն իմ:

Օրերն անցան, անցաւ և մեր
Մանկութիւնն էլ ու հիմա,
Արդէն հասուն կեանքն է զարձել
Մեր խաղի հոլո երեկուայ:

Բայց թէ յանկարծ կեսնքս կորի,
Հին, այդ կորած հոլի ոլէս,
Գիտէմ, ընկերս էլ չի լացի,
Չի ափսոսայ էլ այնպէս...

ԿԵԱՆՔՍ

Ինչպէս մի սնւր արձակւած ճիշ, ինչպէս մի զուր զուրս սլրծած նետ,
Սրտփում է կեԱնթՍ, անմիտ զոյսւթեան մէջ այս յուսաբեկ:

Սրտփում է ու ինքն իրմով մզւում առաջ ու գէպի յետ,
Հաղար ձեռվ ու երանզով խաղում անցնող օրերուն հետ:

Եւ լիթացքում իր այս խելառ, մէրկ, հոգիով ու մարմնով,
Պղտորելով մի վեհ երազ ու գեռ ծփուն սիրոյ մի ծով,

ՅԱՅԱՆՐԻՄ է մէկ՝ վարը, խռը, մինչեւ տիղմը վերջին հոգու՝
Ուրկէ անդին, ոչ մի ձեռվ էլ չի անցնի մաղձը մարդու...

Ուր ԱՆԵՐՍԶ, ու ԽՌԻԼ, ու ԿՌՅԹ սողոսկում է ու յօրանջում,
Քնառ ու բութ միտքը ամուռ իր անսահման ոլարապներում:

Մէկ էլ՝ թերւում է շեղակի, օրհնում կեանքի չարն ու բարին,
Թքած հողը լիզում սիրով, ժպտում ամէն հանդիպողին,

Շոյում՝ ամէն մի խոցած սիրա, և իր վերքի համար, ներաւմ,
Զարին՝ անչար, ու վատին լաւ, խեղկատակի խօսք է առում.

Նառում է լրւու նրանց գիմաց պատրաստակամ՝ ու հնադանդ,
Լսում ամէն ծամածուող շրթունքներու խօսքը պռատ,

Ու խմելով նոյն առօրիայ հաճոյքների պղասը զինին
Յարմարւում է ամէն ահսակ թմբկահարի եղանակին...

Կանգնում է մերթ, քարացումով վայրկեանական սարսափահար
Շուշն է նայում ու դէպի յետ, ուր չի թողել... ոչինչ չկար...

Ապա՝ անկարծ մի նոր թափով, խոյանում է առաջ, շշում,
Իմաստովեան վերելքներով, դէպի մի նոր իմաստովին,

Դէպի Անֆաթ, ԱնԱՊԱԳԱՅ ու Աներէկ տարածութեան
Անծալրածիր սահմանների լոռովիւնը յաւերժական:

ՍՏԻԵՐԻ ՄԷՋ ԿԸ ԾԽԱՆ

Ուղեղէն իմ տօթակէզ, աշքերուս մէջ արձակւած,
Կը պայթի հին մի աշխարհ, հրածփառն, հոսանուտ
Եւ ես նորէն կակսիմ, ինքն իր վրայ ջախջախւած
Նաւակի մ՝ պէս յուսարեկ, հոգիս զարնել խութէ-խութ...

Նորէն գէմու կը բացւին խորխորանելը բոլոր,
Օրօրոցէս՝ մինչկ այս աստւածային Գողգոթան,
Որոնց ամէն մէկում, ես, արդէն թաղել եմ մի օր,
Իր ՔԱՂՅՅՈՒԹԵԱՄԲ, իր ԹՈՅՑՆՈՎ, իր գոյներով բազմագան:

— Ահա հեռուն... օրերուս խաւարամած ծալքերում,
Ուր իր ԱՍՑՅՈՒՆ է ՀիիՍՈՒԻՄ ՄՈՒՅՑՈՒԹԻՒՆԸ հիմա,
Անդամալոյծ ու լքւած, իմ չօրորւած մանկութիւն,
Որ գեռ կախւած զիսիվար յուշի մը հետ կը ճշայ...

Ու մինչ՝ ձորէ-ձոր ծեծուող, իր չարչրուող արձագանդ
Լեղապատառ կիյուայ գետ, ճերմակ ճամբով ջաղացի,
Երազի մէջ սկսուող հէքիաթի մ՝ պէս ԱնԱՆԱՐԾ,
Լուսակատար լեռներէն ՊԱՏԱՆՈՒԹԻՒՆԸ կանցնի...

Յետոյ մի տուն, մի երթիկ, մի երջանիկ առասպել,
Որ նախնիքներս հիւսեցին իրենց լուսէ մատներով,
Ստւերի մէջ կը ծխան, կանցնին լերան մը ետե,
Ուր ումն առած մի կապոյտ, գիւղս ծաղկում էր մի օր...

Ե Ր Թ ԱՌ

ՎԵՐ կենալ նորէն, բանել լուսականչ ու արհաթոր
ուղիները հին,
Ու մոռնալ մի գորշ կեանքի մղջաւանջ, որ թնին էր միայն,
ու թախիծ դեղին:

Մոռնալ ու մոռնալ և ոչ մի տեղ էր, ոչ մի ժամանակ
չեշել կեանքում,
ինչ որ իմ հոգին աղքեն է, տեսել, աշխարհի այս պերճ
լարիբինթոսում:

Երթաւ գոհ, անշար ժպիտով բարի, կանաչ հանգերում
թափառել կըկին,
Եւ որքան դեռ կայ սէր, սրան ճաճանչ պարզել կարօտով
չըդին ՈՒ ԶԲԻՆ.

Զինջ կապոյանելուն, ջրերուն վճիտ, մի ողջոյն առել
որտաքուիս ու վաս,
Ու նրանց խորունկ խորհուրդի մէջ նոր, երջանիկ կեանքի
մի վիճակ բանաբ:

Հանդիպով մարդուն մօտենալ որպէս հղբայր հարազատ
ու նրան լսել,
Ունկցած վերջին պատառը հանել սիրով, որտաքաց
ու հետը կիսել:

Ունկնդրել երկար, լսել հիասքանչ երգը իր հոգու
բարկ արեի դէմ,
Ու խոր հաւատով ըմբոնել զզար, որ զօդանջ է զա
նոր կեանքի վսեմ:

Հաւատալ նրան ու իր ՔԲՏԻՆՔԻՆ ու իր ՅՈՅՍԵՐՈՒ
ՀՐԱՇՔԻՆ լինդուն,
Որ ՇՈՂՈՒՄ է ԼՈՒՌ ԱՐՏՈՒՄԸ ԿԱՆԳՆԱԾ քրտնախաշ եղան
ԽԱՂԱՂ ԱԶՔԵՐՈՒՄ:

Երթաւ, ահ, երթաւ...

ԲԱՑԱԿԱՆ

Վառել եմ ահա ես, ունեակումն իմ այս նոր,
Բոցակէզ ու բուրեան ճիւղի մ՝ պէս մայրիի,
Ծերութիւնս անտեսած և աճած հոգուս խոր,
Դեռ կանաչ ոստերով մի կտոր կարօտի...

Ու ժպիտ մի անուշ, նշենու նազանքով
Կը ծաղկի նայւածքիս թափանցիկ փեղկին դէմ,
Որուն հիր կատարէն, կապոյտէն երանդուղ,
Լուսթե թիթեսներթերթիկներ կը ճախրեն...

Կճախրեմ ես ինքս էլ, կարւած ներկալՅէն,
Յանձնւած հարևան մի աղջկայ մեներդին,
Որ կործել է շոյուն, կոպերուս վրայէն
Քնաբեր քնքութեամբ իր թաւիշ մեղեղին,

Ու կարթել էութիւնս կայծկլտուն շեշտերով
Տանելով ինձ մինչե երազի մ՝ դիւթական,
Ուր կիյնամ յոր ձանուտ յոյզերուս սարսուսով
Գլխիվար ու առկախ, անդունդի մը վրան...

Շողիմ՝ պէս, շաղի մ՝ քով, մի ծաղկի բաժակում,
Առէջի մ՝ փոշիէն նայելով անծանօթ
Սահունին միւս ավի—ունեակիս մէկ անկիւն,
Ուր նիրհում է լքւած մսեղէն իմ անօթ...

Նայնամ եմ... զգում եմ... այս ես եմ ու արթուն
Մոռենում՝ ինքս ինձ, հեռանում ինքս ինձմէ,
Մինչ արդէն կը լուսնայ, սուերի մը յանգոյն
Կահնետի ԲԱՅԱԿԱՆ... ու գուրսը կը ձիւնէ...

ԶՐՈՅՑ

Նստեցինք մի քարի վրայ,
Ասաց.—Մեզնից ով մեռնի,
Թող այս քարը լինի նրա
ՍԻ՞ՌԱՌՉԱՆԸ շիրիմի:

Ու նայեցինք պահ մը իրար
Ափսոսանկի՛ նայւածքով,
Գուցէ նա իմ՝ ես էլ իր վառ
Կեանքի վրայ դողալով:

...Նստած եմ նոյն քարի վրայ,
(Իսկ նա, հիմա քարի տակ...)
Կը խորհեմ լուռ ու կը թւայ
Կեանքը յիմար մի ԿԱՏԱԿ:

ԻՄ ՀԱՅԱՍՏԱՆ

Ասացին՝ եղել ես Հայաստան,
Հին, հզօր մի երկիր արգաւանից,
Ուր ծաղկել է երբեմն, նայիրեան
Քո անուշ առասպելն ու հեքեաթ:

Ասացին՝ որ դնւ ես օրօքել,
Օրօքոցն աշխարհի ազգերուն,
Ու լուսէ սալնաքովդ մնուցել,
Նրանց մերկ ու վախու մանկութիւն:

Քեզմով է սկսել Բաբելոն,
Վերջացել աշխարհակն ելքելի.
Քու գծած մի պատկերն է Հռոմ
Ու մի գիծ՝ Ազրիալոն Աթէնքի:

Ասացին, ծովից ծով գծեցին
Սահմաններդ անստահման ցաւի մէջ,
Սելևանդնէր որ իրար փակեցին,
Որպէս հին մի գրքի դունատ էջ:

Եկայ ես, բոլորից յետոյ ես.
Յոյսերովդ, յոյզերովդ օրօքուն,
Ուղեղիս մէջ նախշուն մի քարտէզ
Ու վրան՝ պատմական քո անուն.—

— Հայաստան, Հայաստան, Հայաստան,
Երջանիկ՝ կու իմ երազ հայրենի,
Օ՛, յաւէտ յուսացւած արքատեան,
Օ՛, հէքեաթ, օ՛ ցնորքդ իմ ցեղի:

Նայեցի, սերտեցի քեզ անվերջ,
Զարմացող աչքերով մանկութեանս,
Մանկութիւնս... մորթեցի ես քո մէջ,
Ուսպէս գէր ու անգին մի նոխազ,

Փնտուեցի իրական մի պատկեր,
Պատրանքին, հրաշքին չափ խնդուն,
Շողշուռն լուսաբաց մի շքեղ,
Քու անցած՝ իմ ապրած օրերում.

Տւի քո ախտաւոր հմայքին
Իմ սրտի, իմ մաքի ամէն կայծ,
Ու սակայն պօչտի իմ հողին
Աչնչով՝ ոչ մի օր չխնդաց...

Չտեսայ ի վերջոյ քո դրան
Ոչ մի բան աւելի՝ կենդանի,
Բացի նոյն յաւիտեան, յաւիտեան
Վիրաւոր, արնաքամ պատանին:

Խոշտանդւած իր մօր քով—ամէն տեղ,
Ու նրանց աչքերէն՝ կախ ընկած իմ պատկեր...
— Հայաստան, Հայաստան, Հայաստան...



39655

ԼՈՅՍ ԵՆ ՏԵՍԵԼ ՆՈՅՆ ՀԵՂԻՆԱԿԵՆ

- «Հեկեկանիներ», Երևան (սպառւած)
«Զիւլմի Երգեր», Թաւրիզ (սպառւած)
«Արեւելքի Արեւմուտք», Փարիզ (սպառւած)



ԳԻՆ 5 ՈՒԱԼ

ԴԻՄԵԼ

ՀԵՂԻՆԱԿԻՆ

13, Khiaban Khasse, Téhéran.